



BOSNA I HERCEGOVINA  
FEDERACIJA BOSNE I HERCEGOVINE  
**GRAD ZENICA**

Broj: 02-45-3347/21  
Zenica: 11.02.2021. godine

**GRADSKO VIJEĆE**

**N/r: Predsjedavajući g. Almir Babajić**

**OVDJE**

**PREDMET:** Prijedlog Odluke o izmjenama i dopunama Odluke o komunalnim taksama,  
dostavlja se


Poštovani,

na osnovu člana 34. tačka 7. Statuta Grada Zenica ("Službene novine Grada Zenica", broj: 5/15) i člana 62. i 69. stav (1) Poslovnika Gradskog vijeća, dostavljam prijedlog Odluke o izmjenama i dopunama Odluke o komunalnim taksama.

Predlažem da se predmetna Odluka razmatra na prvoj narednoj sjednici Gradskog vijeća zbog mogućnosti primjene olakšica kod uplate komunalne takse za 2021. godinu.

S poštovanjem,

PRILOG: Prijedlog Odluke



**GRADONAČELNIK**

*[Signature]*  
Fuad Kasumović

**DOSTAVLJENO:**

1x Naslovu,  
1x a/a



BOSNA I HERCEGOVINA  
FEDERACIJA BOSNE I HERCEGOVINE  
**GRAD ZENICA**

**PREDLAGAČ:** Gradonačelnik

**OBRAĐIVAČ:** Radna grupa

\*\*\*\*\*

**PRIJEDLOG**  
**ODLUKA O IZMJENAMA I DOPUNAMA**  
**ODLUKE O KOMUNALNIM TAKSAMA**

\*\*\*\*\*

Zenica, februar 2021. godine



BOSNA I HERCEGOVINA  
FEDERACIJA BOSNE I HERCEGOVINE  
**GRAD ZENICA**

Na osnovu člana 36. i 37. Zakona o principima lokalne samouprave u Federaciji Bosne i Hercegovine ("Službene novine Federaciji BiH", broj: 49/06 i 51/09), a u vezi sa članom 13. stav (1) tačka c) i stav (3) Zakona o pripadnosti javnih prihoda u Federaciji BiH ("Službene novine Federacije BiH", broj: 22/06, 43/08, 22/09, 35/14 i 95/15) i člana 21. tačka 6. Statuta Grada Zenica ("Službene novine Grada Zenica", broj: 5/15), Gradsko vijeće Zenica na \_\_\_\_ sjednici, održanoj dana \_\_\_\_ 2020. godine, donijelo je

**ODLUKU**  
**o izmjenama i dopunama Odluke o komunalnim taksama**

**Član 1.**

Ovom odlukom vrše se izmjene i dopune Odluke o komunalnim taksama ("Službene novine Grada Zenica", broj: 6/18 - novi prečišćeni tekst, 1a/19 i 4/20).

**Član 2.**

Iza člana 6. dodaje se novi član 6a. koji glasi:

"Izuzetno od odredbe člana 6. stav (2) ove Odluke, obveznik može uplatu komunalne takse za 2021. godinu izvršiti najkasnije do 31. oktobra 2021. godine."

**Član 3.**

U poglavlju "Tarifni broj 1", član 11. podnaslov "B. Pravna lica i poduzetnici prema kriteriju akumulativnosti" iza tabele dodaje se nova tačka c) koja glasi:

c) Trgovac pojedinac na prostoru Gradske tržnice (ulica Jevrejska, Zenica) 100,00 KM.", a tačka c) postaje tačka d).

**Član 4.**

Postupci razreza visine iznosa takse koji nisu okončani do dana stupanja na snagu ove Odluke bit će okončani prema odredbama Odluke o izmjenama i dopunama Odluke o komunalnim taksama ("Službene novine Grada Zenica", broj: 1a/19), Odluke o izmjenama i dopunama Odluke o komunalnim taksama ("Službene novine Grada Zenica", broj: 1/18 i 3/18), Odluke o izmjenama i dopunama Odluke o komunalnim taksama ("Službene novine Grada Zenica", broj: 1/17) i Odluke o komunalnim taksama ("Službene novine Grada Zenica", broj: 2/15 i 4/15).

**Član 5.**

Ova Odluka stupa na snagu prvog narednog dana od dana objavljivanja u "Službenim novinama Grada Zenica".

Broj: 01-  
Zenica, \_\_\_\_\_ 2021. godine

**PREDSJEDAVAJUĆI**  
**GRADSKOG VIJEĆA**  
Almir Babajić





BOSNA I HERCEGOVINA  
FEDERACIJA BOSNE I HERCEGOVINE  
GRAD ZENICA

OBRAZLOŽENJE

I PRAVNI OSNOV za donošenje ove Odluke sadržan je u odredbama slijedećih relevantnih zakona:

1. *Zakon o pripadnosti javnih prihoda u Federaciji Bosne i Hercegovine ("Službene novine Federacije BiH", broj: 22/06, 43/08, 22/09, 35/14 i 95/15)*

Član 13. stav (1) tačka c) i stav (3)

"Pored udjela u raspodjeli prihoda iz člana 6. ovog Zakona, jedinicama lokalne samouprave pripadaju i drugi javni prihodi kako slijedi:

c) naknade i takse u skladu sa propisima jedinica lokalne samouprave"  
(...)

"Općinska vijeća donose propise kojima se utvrđuje visina naknada na osnovu korištenja i uređenja zemljišta, kao i visina drugih naknada, novčanih kazni u njihovoj nadležnosti."

2. *Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09)*

Član 13. stav (2) alineja 4.

"Organ odlučivanja jedinice lokalne samouprave je Općinsko vijeće, a Gradsko vijeće u Gradu (u daljem tekstu: Vijeće).

Vijeće u okviru svojih nadležnosti:  
(...)

- donosi propise o porezima, taksama, naknadama i doprinosima jedinica lokalne samouprave u skladu sa Zakonom."

3. *Statut Grada Zenica ("Službene novine Grada Zenica", broj: 5/15)*

Član 21. tačka 6.

"Gradsko vijeće u okviru svojih nadležnosti:  
(...)

6. donosi propise o porezima, taksama, naknadama i doprinosima u skladu sa Zakonom."



BOSNA I HERCEGOVINA  
FEDERACIJA BOSNE I HERCEGOVINE  
**GRAD ZENICA**

## **II RAZLOZI**

Obrtnička komora Zeničko-dobojskog kantona obratila se Gradu Zahtjevom, broj: 47-01-22/20 od 29.12.2020. godine, kojim se traži ukidanje obaveze plaćanja takse na istaknutu firmu za 2021. Godinu za obrtnike ili njeno umanjeње za 50%, a u cilju ublažavanja ekonomskih posljedica izazvanih pandemijom koronavirusa (COVID-19).

Sa sličnim zahtjevom/molbom obratilo se i Udruženje poslodavaca Zenica u dostavljenom aktu, broj: 02-7/21 od 04.02.221. godine.

Uvažavajući činjenicu da je u uslovima pandemije izazvane virusom COVID-19 bio otežan rad i funkcionisanje svih segmenata društva, kako privrede tako i javnih institucija, zbog čega su i prihodi Budžeta Grada Zenica za 2020. godinu ostvareni u manjem iznosu za 28% u odnosu na plan, pa nije moguće ukidati ili smanjiti iznose komunalne takse. Međutim, s ciljem lakšeg izvršavanja obaveza iz osnova komunalne takse predloženo je da obveznici mogu uplatu iznosa komunalne takse za 2021. godinu izvršiti do 31. oktobra 2021. godine. U tom je smislu pripremljena dopuna Odluke o komunalnim taksama.

## **III OBRAZLOŽENJE PRAVNIH RJEŠENJA**

Članom 1. Prijedloga Odluke definisan je predmet normiranja.

Članom 2. vrše se dopuna Odluke članom 6a. prema kojem obaveznici komunalne takse mogu uplatu iste do 31. oktobra 2021. godine, umjesto do 20. februara kako je to odredbom člana 6. Odluke propisano.

Članom 3. vrši se dopuna člana 11. Odluke. Naime, ovom dopunom uvodi se nova tačka c) Trgovac pojedinac na prostoru Gradske tržnice (ulica Jevrejska, Zenica) 100,00 KM.", a tačka c) postaje tačka d).

Član 4. Uređuje prelazni režim za postupke razreza visine iznosa komunalne takse koji nisu okončani do dana stupanja na snagu ove Odluke.

## **IV FINANSIJSKA SREDSTVA**

Za provođenje ove Odluke nisu potrebna posebna sredstva iz Budžeta Grada Zenica.

## **V OBRAZLOŽENJE SKRAĆENOG POSTUPKA**

Ova Odluka podnosi se u fazi prijedloga iz razloga što je riječ o kratkom i jasnom aktu kojim se vrši dopuna Odluke o komunalnim taksama novim članom 6a. temporalnog karaktera, te dodaje jedna grupa obveznika. Zbog toga nije potrebno provođenje javne rasprave, odnosno podnošenje akta u fazi nacрта.